

ESTD. JULY 1931

Postal Regd. No. MR NE- 1063/2009-11



SIPAI TLANGAU

SIPAI PAWL THUCHAH LEH RAWNGBAWLNA

'I din leh ang u'

Nehemia 2:17

REGD. NO. RN 37326/81 VOLUME 80 NO. 3

March 2011



General thlan thar Commissioner Linda Bond



THE SALVATION ARMY

WILLIAM BOOTH - Founder
 SHAW CLIFTON - General
 International Headquarters
 101 Queen Victoria Street
 London EC4V 4EH
 COLONEL. LALNGAIHAWMI
 Territorial Commander

A MAN Rs. 6

SIPAI TLANGAU

Official Organ of
 The Salvation Army, India Eastern Territory
 (Regd. No. RN 37326/81)

MARCH - 2011

Volume 80 No. 3

Published by The Salvation Army
 Territorial Headquarters Post Box - 5, Aizawl
 796 001, Mizoram and printed at The Salvation
 Army Centenary Press Tuikual 'S' Post Box - 5,
 Aizawl 796 001 Mizoram Copy 5000
 Editor - Major Chawnghluna

A CHHUNGA THU AWMTE

1. Editorial: Tlachawp thlarau
2. Zawlaidi.....1
Commr. Lalthanngura
3. Bumin awm suh.....3
Lt. Col. Lalthlamuana
4. Thlarau Thianghlim a lo thlenin.....5
Lt. Col. Lalramliana
5. Jerusalem kulh chu i din leh ang u.....7
Maj. Tulliana
6. Sabbath leh Sunday hi.....9
Maj. K. Lalrinawma
7. Chanchin lawrkhawmte.....10
8. Ropuinaa kaisangte.....12
9. Chief Secretary Notes.....14
10. Projects.....15
Maj. Vanlalfela
11. Kum 2010-a Mission Support
Project hmute.....16

MISSION STATEMENT

CHHANDAMNA SIPAI PAWL hi Kristian kohhran, khawvel huapa Chanchin tha hrila thawk a ni.

A thuchah chu Bible ah a innghat a. A rawngbawlna chu Pathian hmangaihna in a tihnun a ni. A hnapui ber chu Chanchin tha hril leh hleih nei hauh lova, Isua Krista hminga mihring mamawh phuhruk hi a ni.

editorial :

TLACHAWP THLARAU



Mizote hi inbuatsaihna tha tak aiin a tlachawp ngaisangtute kan niin a lang. Thlarau lamah pawh hian inbuatsaihna tha taka nei thin te aiin a tlachawp leh 'ka dawn thar a ni' titute hi kan ngai thlarau mi deuh zawk niin a lang. Tlachawp Thlarau a tawngtai buai deuh nuaih, rak chel chul, sawi tur dang hre lova, a ngai 'Halleluia Amen' tih sawi nawn sek te hi kan hmu rau zawk niin a lang. Fianriala ngun taka tawngtai a Pathian nena inpawl na ziah lawk te phei hi chu kan rilrem zawng a ni meuh lo. Chu ai chuan, "Tun mai a pulpit a ka dawn thar a ni a, sawi tura ka lo inbuatsaih chu thlak a ngai tlat mai" titute hi kan ngaisang zawk niin a lang. Pathian pawlna ve tho sawi tur a lo inbuatsaih kha pulpit tlang ah thlak tura hriattirtu kha thlarau thianghlim a ni ang ngem? Miten an hmuh thlarau mi nan a ti zawk em ni ang le?.

Mizote hi thlarau tlachawp ngaina tak kan nih avangin rinna kawnga kalsual pawh kan tam phah a, mahni ngaihtuahna leh rilru a lo thleng apiang Thlarau Thianghlim hnathawh a ngai mai zel kan tam avang pawh a ni thei ang. Pathian chu tlachawpa che thin leh Thlarau Thianghlim pawh maksak taka tlachawpa che thin ni a kan ngaihna hian kan Pathian thu pawm dan pawh a kaihhruai thui hle a ni. Kan Bible hi nguntaka kan chhiar chuan kan Pathian chu *inbuatsaih* thin leh *ruahman lawk thin* Pathian a ni tih kan hmu ngei ang. Isua pawh hi tlachawpa pek kan ni ngawt lova, A pian hma kum 700 chuang laiah khan Zawlnei te pawhin a lo puang lawk thei a nih kha. Isua khawvela lokal tur pawh Pathianin leilung pian laia a lo rel lawk diam tawh angin a tiansate awmna tur pawh a lo buatsaih lawk diam tawh a ni.

Chutiang taka engkimtithei kan Pathian meuh pawh inbuatsaih lawk thin a nih lai a, inbuatsaih lawkna ai a tlachawp kan ngaisang lui tlat a nih chuan kan thatchhiat vang a ni thei ang ngem? Nitina kan nun in a tawn atang a chhut pawh hian kan tih theih rengah chuan Pathian a chuang vaklo a, kan theih tawp a kan beih hle a kan phak bakah hian kan Pathian chu a chuang thin a ni lawm ni. Chuvangin, thlarau tlachawp nghaktute nilovin kan theih tawpa beih phawt a, chumi piah lam chu Pathian kuta dah hi a him zawk niin a lang. Chuvangin, kan rawngbawlna ah pawh hian a tlachawp ring lovin theihtawp chhuah hmasa ila kan theih bakah Lalpa a chuang zel dawn a ni.

ZAWLAIDI



- Commissioner Lalthanngura

*Zawlaidi hlovin rimtui a chhuah, kan kawngka bulah thei tha tinreng, a awm rui e,
a hlui leh thar, I tan ka khekkhal, aw ka duhtak.*

H masang a lang tawhin Zawlaidi hi alo awm tawh a, thingkung (plant) a ni a. A zung leh a hnah hi an lo ei fo \hin a. Naupai theilo, naupai a awlsam na turin damdawi \ha tak anihzia hi Lal Solomon-a hun lai pawh khan an lo hmuchhuak daih tawh a ni. Chung aia hma pawhin an lo hmuchhuak tawh a, an lo langkaipui tawh hle \hin a ni.

1. Zawlaidi lo awm \an dan dan chu Bible a langin i lo thlir teh ang u : Genesis 30:14-18 ah chuan Reuben-a khan buh lak lai hian ramah phul ah a va char a, chu chu Jacob-a nupui tak Rakili khan a lo hriatin, a fapa zawlaidi chu a awt ta hle mai a, "Khawngaih takin i fapa zawlaidi \henkhat mi pe teh" tiin a dil ta a ni. A ni Leaii chuan, "Ka pasal mi chhuhsak hi thil duai em ni? Ka fapa zawlaidi pawh hi mi chhuhsak i tum leh zel maw?" a ti a. Rakili chuan, "A nihloh leh, i fapa a zawlaidi aiah hian zanin ah a mutpui ang che" a ti a. Tichuan zanah chuan a mutpui ta a ni. Tichuan, Pathian chuan Leaii \awng\aina chu a ngaithla a, Jacoba chu fapa pahnih lai a hrinsak ta a, Isakara leh Zebuluna a hrinsak ta a ni.

2. A rah hun : A rah hun hi May thla ah a ni. a hmin \hat lai hun a ni. Apple thei ang, a rah chu a eng lek lek a, a rimtui in Apple rim angin a rimtuina a chhuah \hin a ni. (Solomona 2:3-5)

(Solomona Hla 2:3-3) Ngaw hnuai a thing zingah Apple thing ang, ka duhtak chu a ni, tlangvalte zingah, a hlimah chuan ka \hu, nuam takin, a rah chu ka tan a

thlum ngei e. Ruaitheh inah chuan kei mi hruai a, ka chung a puazar chu hmangaihna grep thei chhanga mi tungnung in, min tiharh teh u, Apple thei in- tiin Apple thei nena a in an dan chu Solomona chuan a lo lantir tawh a. Zawlaidi rim chu rimtui tak a ni a, mi a hip a, nula leh tlangval te pawhin an chak fo \hin. Damdawi a an siam tawh hnu ah chuan 'Mandrake' an ti a, he zawlaidi 'Mandrake' ei tawh chuan han nghei hi harsa an ti tawh viau a ni. Thlawk kang veng vengin nuam ti taka awmin an in hre \hin a ni. Hei avang hian a ni ang e, ramhuai lal 'Devil's Apple' an lo ti hial a ni. A itawmna, tuina leh rimtuinah chuan mi a hip hle \hin a ni.

3. Mizo zawlaidi : Sawngkhara Mizo thawnthu ah chuan hmanlai nula Chawngvungi chu a hmel\ha hle mai a, hmelchhe deuh mai mipa Sawngkhara hian a ngaizawng ta em em mai a, a hmelchhiat avang chuan Chawngvungi chuan a ngaizawng ve thei lova. Sawngkhara chuan a zawlaidi chu Chawngvungi kawngvawn ah chuan a han tat hmasa a, a thinlung ah chuan a vei ta hle mai a, a theihngihl tawh ngailo a ni.

Vawikhat pawh Chawngvungi nu in hmuna phiah lai takin Sawngkhara chuan hmunphiah bul lawkah chuan a zawlaidi chu a han tat mai a, Sawngkhara chu a theihngihl thei tawh ngang lo a ni.

4. Hnahlan Zawlaidi : Champhai piah lawkah chuan Hnahlan khua a awm a, Hnahlan khua chu an eizawmna pui ber chu tunah chuan Grep chin rah a ni. He hnahlan Grep hi a \ha kher mai. An grep hi an um a,

grep tui tui taka lo ni ta. Mi zawng zawng in an induh emaw tih mai tur a ni. Amaherawhchu, he zawlaidi hi zawlaidi tak a ni lova, grep rah, chu chu zu a siam, Alcohol pawh 14% tela siam a ni a, a ruihtheih tho mai \hin a ni.

He sumdawnna hi a kaltluang hle mai a, tunah chiah hian Grep tui sawr atangin Nuaih 60 chuang zet a lei ta. Evening Post 8th November, 2010 ah ziak a ni. Thil \ha tak anga lang hi Setana hmanruaah a chang fo \hin a. Hnahlan khua a Grep tui, tuihnai tak, sen kak mai, a rimin mi hip ham mai, a mi hip na tak mai a ni a. Nakinah chuan Setana'n ringtute thlemna ah a la hmang dawn a ni.

5. Ch[^]kna : "Mitin mahni ch[^]kna a hruaibo leh hipa an awm chuan thlemna an tawka ni zawke" Jakoba chuan a lo ti a, (Jacoba 1:14-16). Tin, nimahsela, tleirawl ch[^]kna te chu tlansan la, thinlung thianghlina Lalpa lam apiang zingah chuan felna te, rinna te, hmangaihna te, remna te um ve rawh, (II Timothea 2:22) tiin hriih kan ni. Chuvang chuan a ni Uain a sen kak lain en suh Thufingina lo tih ni. (Thufingte 23:31). Tin, Petera chuan ring nghet taka awmin amah Diabola chu dodal rawh u, anin a tlanbo san ang che u, a ti (Jacoba 4:7). Zawlaidi, hminglem, grep tui nisi, ruihtheih thil ah hian i fimkhur ang u. Heng zawlaidi hi zawng, mitin hian ruih duh deuhvin in turin kan rilru leh thinlung kan pe a, a \ha lamah aiin a \halo lam kawng kan zawh phah \hin a ni.

6. Solomona Zawlaidi : Israel lal Solomona chu lal ropui tak a ni a. Solomona finna chuan khawchhak fate zawng zawng finna leh Aigupta mite finna zawng zawng chu a khum vek a. Thufing sangthum a sawi a, tin, hlate chu sangkhat leh panga a ni, (I Lalte 4:29-34). Mahsela, Moab hnam zing a hmeichhiate, Amona thlah a mi te, Edom, Zidon-te, Hit-ho te, heng ho hmeichhiate hi a hmangaih tlat a, an pathian biak \hin te chu ama ram chhungah lakluh a phalsak a, Solomona chu hmangaihna in a vuan tlat a. Tichuan, nupui 700 leh hmei 300 lai mai a neih phah hial ta a. A tawpah a nupuite pathian a biak lai chuan a thi ta a ni. A rapthlak hle mai. Chhandam a ni ang nge, ni lovang tih pawh hi Solomona thihna hian inhnialna a ti tam hle a ni. Pathian chuan, ram hi ka chhuhsak ngei ngei ang chia, I chhiahhlawh ka pe ang, a ti ta a ni, (I Lalte 11:11-13).

Solomona hian a Hla bung 7-na ringawt pawh hian hmeichhia an fak nasat zia chu hetiang hian kan hmu thei a ni.

- 1) Hmeichhe pen mawi zia
- 2) An laibu leh an mal mum mawi zia
- 3) An pum leh an nghawng mawi zia mai chu
- 4) An mit leh an hnar mawi zia
- 5) An hnute mawizia leh an thawrim chu apple rim ang, ati
- 6) Chuvangin zingah Grep hunah kal dun ila
- 7) Zawlaidi hlovin rimtui a chhuah tiin a tawp berah chuan a sawi ta a.

A ni ngawt mai he zawlaidi hlo hi a rimtui em em mai a, chuan keini misual tawh hnu te hi Kristaa kan rimtui theihzia a entir ta a ni. Tirhkoh Paula chuan hetiang hian a lo ti a, nimahsela Kristaa hnehaa min hruai fo tu leh keimahni hmanga hmun tina Amah hriatna rim hriattirtu Pathian hnenah chuan lawmthu awm rawh se. Chhandam mekah te leh boral mekah te chuan Pathian tan Krista rimtui kan ni sia, a lo ti reng a ni (II Korinth 2:14-17).

Zawlaidi : Zawlaidi hlovin rimtui a chhuah a, kan kawngka bulah thei \ha tinreng a awm rei rui, a hlui leh a thar, I tan ka khek khal aw ka duhtak, a ti ta ringawt mai a ni.

Solomona hla hi Pathian leh Israelte in hmangaihna angin kan hmu a, chutiang bawkin Isua Krista, Pa Pathian leh ringtute inhmangaihna kan hrethei a ni. Isua Krista chuan van ropui kalsana leiah lo kalin a hmangaihna leh khawngaihna rawn lantirin Kraws-ah kan tan a thi a, a thisen in min lei a, kan sualte min ngaidama, a lo pian hmam, Vantirhkoh, Angel-in hetiang hian min lo hriih daih tawh a, a ni chuan a mi te an thiltisual lakah a chhandam dawn si a, a lo ti a, (Matthaia 1:21). Kross a Isua Krista thihna chu kei ni tan chuan chhandamna a lo ni reng mai tih han hriat hi ava lawmawm tak em!.

Chanchin \ha Luka chuan Hmeichhe sualin Alabasta bawmin hriak rimtui, to tak mai chu phal takin, Isua, a sual ngaidamtu chungah chuan a lawm em avangin a rawn sawh keha Isua pawhin a sual tamtak kha a ngaidam ta anih kha, (Luka 7:36-50). Hawh teh u, Isua Krista zara kan rimtuiina te hi Isua bulah i leihbaw ve ang u.

Solomona hi lal ropui ber leh finna lamah pawh fing ber a ni a, awhawm hlein lang mahsela, a awhawm lohna a tam ve tho a ni.

Pathian thu a awih lo a, Pathian chuan anmahni pawl suh ula, anni pawhin pawl che u suh se, an pathian te lamah in thinlung an hruaikawi ngei dawn si a, tiin a lo sawi tawh a, (II Lalte 11:1-3).

Tin, hei chauh hi a ni lova, Israel lal chuan a rilru a vahbo lohnan nupui a ngah tur a ni lova, tangka leh rangkachak pawh a ngah tur a ni hek lo a ti a ni, (Duet 17:17) tiin Pathian in a sawi bawk.

Tin, Lalpa Pathian chuan heti hian a ti bawk a ka zahngaihna chuan a ni zawng a kal san lovang, tin, I chhungkua leh I ram chu chatuana tihngheh tlat a ni ang

a, I lal thutthleng chu chatuana tihngheh a ni ang, a lo ti a, (II Samuela 7:13-17).

Vawiin niah hian zir tur kan va ngah em ve le, kan awmdan ah fimkhur taka kal a ngai leh zual ta a ni. Chuvangin, kan nunna hi Pathian siam anih hi hrereng ila, min siamtu min duh dan nun fel leh \ha hi I nei fo ang u. Zawlaidi te hi zawng an rimtui ngei a, a ni, Hnahlan Zawlaidi pawh a rim lam ringawt en chuan mi a hip ngei ang. Mahsela kan nun tikhawlo thei ang chi ah hian i fimkhur em em ang u. Pathian chuan min din a, a fa duh tak te kan lo ni ta, kalkawng thui tak kan la zawh dawn a, heng khawvel Zawlaidi ah hi chuan i buai lo vang u, kan rimtuina chu Zawlaidi aia rimtui Isua Krista lawm tlak rimtui lo ni fo rawh se, chung chu englo rimtui rim, inthawina chhan tlak Pathian lawm zawng a ni, Paula'n a ti, (Philippi 4:18).

BUMIN AWM SUH



- Lt.Col. Lalthlamuana

Galatia 6:7 ah Pawla'n "Bumin awm suh u.... miin a theh apiang chu, mi vek chu a seng leh dawn a ni," a ti a. Pawl ho reng reng hi, Kohhran pawh telin, a pawn a\anga beihna in a tilungrual a, a chung zinga mi ngeiin an beih chuan pawlho a ti khawlo \hin.

Thuthlung Thar Kohhran \iaktir ah khan pawnlam a\anga beihna-in a ti \hanglian a, an pung zel a, kohhran chung a\anga zirtirna dik lo (gnosticism, etc) khan ringtute a

tikhawlova. Mizoramah pawh miten namen lovin Sipai Pawl an beiin an sawichhia a, chu chuan Sipaite a ti nghet sauh zawk a, a ti lungrua a.

Setana hi a fing a, pawnlam a\anga beihna aiin Sipaite zing a\anga inbeihna in thil a tichhe nasa zawk tih hriain mi a inbeihtir a, Corps-ah inlungrua lohna leh in\henna hialte pawh a thleng \hin a nih kha. Thudik lovin pawl a tihchhiazia hria in Pawla'n "Chanchin \ha kan hrih che u lo kha chu tupawhin, vana

vantirhkoh pawhin rawn sawi se, anchhedawngin awm rawh se" a tih hial kha, (Galatia 1:8).

Sipai thuthlung (Raldona Thutiam) ah khan 'Chhandamna Sipai Pawl hi Pathian siam chhuah ngei a ni a, a tanpuiin a hruai zel tih ka ring a' tiin mahni duhna ngeiin hming kan ziak a nih kha. pawn lam miten "Sipai Pawl hi a \ha lo, sacrament pawh nei ve hlei lo" tia chirhthehna leh sawi hnawmna ten sipaite a tinghing lo. Mahse keimahni

zinga Sipai ngein 'Sipai Pawl hi a tha lo.....' tia sawi hnawmtu lo awm ta ila, chu thu lo awih tawkte an awm avangin Sipai Pawl hmasawna kal mek hi a ti sukuk thei ang. Chutiang ti tur chuan Setanan kan zingah hmanrua atana hman tur mi a zawn pawhin tumah Setana hmanruah i inphal suh ang u.

Sipai Pawl hi Pathian siam a nih leh, a \anpuin a hruai zel a ni tih a dikzia chu, London veng chhak kila in \anin ram 120 a Mei leh Thisen Puanzar a phe ta van van hian a tilang.

Juda puipaten zirtirnat tihhluma, chanchin \ha nuai bo an tum khan, an zinga roeltu, Gamaliela'n, "He mite chungu in thil tih tum hi fimkhu rawh u. Tun hmain Theoda kha 'mi lian ka ni' tiin mi 400 zuitu neiin a awm a, a thi a, an darh zo ta a. A hnu ah hming ziak lai khan Juda a lo awm leh a, a hnenah mi engemawzat a hip khawm a, a thih hnu in a zuitute chu an darh zo leh ta a. Chuvangin heng mi te hi tawk suh ula, awm mai mai rawh se. An thil tih hi mihring tihchhuah a nih chuan a boral ang; Pathian tihchhuah a nih erawh chuan in ti boral thei lovang, Pathian do in lo ni hlauh dah ang e" a ti a. Chu chu an remti tlang a, zirtirte chu an vela, Isua hminga thusawi lo tura vau chungin an chhuah ta a ni. Gamaliela sawi angin tun thlengin chanchin \ha chu a darh ta zel a ni. Pathian mi hman te leh an thiltih te sawichhiat leh dodal hi thil hlauhawm tak a ni thei.

| awngthuchhelo, sipai hi kan lo \hahnem ve ta deuh a, "Sipai Pawl hi a \ha lo..." tia sawi duhte kan lo awm palh a nih pawhin, thlaurau sualin a tih tir a ni mai, sipai dik takte tan awih chi leh bara-khawn chi a ni lo ve.

Sipai Pawl din tura William Booth-a Pathianin a hman hi a ti sual love. Sipai Pawl a hmangaihzia te hi a ropui asin, a fate zinga miin Sipai Pawl an bansan te khan, a fa an nihna te banin, a tuithlar duh hial a, "Sipai Pawl hi Booth chungkaw ta a ni lova, Booth chungkua hi Sipai Pawl ta a ni zawk" te a ti a. Khatih laia dan dinglai, General chuan amah thlaktu tur a ruat ang tih zuiin Chief of the Staff \anglai, a fapa Bramwell Booth-a chu a ruat a, a hnu ah tumah General-ah a ruat lo. A hnu a General dang zawng zawng te kha High Council in a thlan vek a ni a, Evangeline Booth pawh kha, William Booth-a thih hnu kum 22 ah General atan High Council in a thlang a nih kha.

India rama \antu, Frederick Booth Tucker kha dan hre mi a ni a, a tirah thuneituten man in, chawitir in, an khawlai inkhawmte an phal lo \hin a. Dan a hriat avangin dan hmangin a bei zel a, rawngbawl te, hmun hma (Property) nei te, Income Tax chawi lova Self Denial khawn theihna te nei turin India Company Act hmangin Sipai Pawl a lo register tir ngat hi a ti \ha ngawt mai.

Hei i \henkhat in hre fuh lovin 'Sipai Pawl hi sumdawng anga in register a ni.....' ti mai an awm \hin a, hei hi dawt thu a ni. A in register nan Act a \ul \hin a. Association hrang hrangte pawh hian sorkarin a hriatpui theih nan eng Act hnuaihah emaw an in register \hin ang hi a ni.

He Company Act hmanga a in register-naah hian, a kaihruaitu tur Board of Directors nei te thlengin a awm a (hemi ziaktu ngei pawh hi term khat chu Board of Directors-ah hian board member a ni ve nghe nghe). Company hi Mizo in an lam thiam lo nge ni 'Kumpinu' an ti mai a, British sorkar pawh hi 'Kumpinu sorkar' te an ti a, England Lalber te khu 'Kumpinu' te an ti \hin. Sipai Pawl hi sumdawng tur a ziah luh a ni lova. He India Company Act hian Sipai Pawl chu sumdawng nghet, property (in leh lo, hmun hma) nei thei, a duh chuan hralh emaw midang hnena pe thei, mahni a sum nei thei, Board of Directors in a kaihruai, midangte \anpuina tur chuan income tax sorkarah pe lova thawhlawm khawn thei a ni tih a sawi a ni.

Army hian a dinna ramah hian chutianga rawngbawl theihna leh hmun hma nei theih nan sorkar ah a in register zel a ngai a. Tunah Nepal sorkarah pawh registration hi kan dil mek a, hlawhtlin pawh in beisei ila. Chhandamna Sipai Pawl, Pathian siamchhuah, a \anpuin leh a hruai zel hi a sawichhia a, a \halo zawnga thu belhchian dawlo hmanga sawi hnawm an lo awm palh anih pawhin, khawvel tifamkimtu anga ngaiin, haw lovin, \awng \aisak ila, an thu belhchian dawlo vawrh darh te chuan buma awm lo turin ka Sipai puite ka ngen a ni.

Ding r'u, ding r'u, Isua tan,
A chakna chauh ah chuan;
Tisa kut an tlawm zel ang,
Nangmah inring suh la.
Gospel thuamin in thuam la,
| awng \aiin veng zel rawh,
Tih-tur a awmna ah chuan,
Hlauhawm a bang ngai lo.

THLARAU THIANGHLIM A LO THLENIN



Tirhkohte Thiltih 2:1-4



- Lt. Col. Lalramliana
Kanaan Corps

Pathian chu Thlarau anih avangin Thlarau Thianghlim chu Pathian nihna hlawm tikimtu ber a ni. Pathian chu mahni hmasial thiam tak a nih avangin a fapa pianna hun atan Census lai a ruat a, a thih hun atan Kalhlen Kut hun a thlang a, Thlarau Thianghlim thlen hun atan Pentikos Kut hun a hmang bawk. Mihring hmasialna chuan midang tan kawng hnawk leh phurrit a thlen laiin, Pathian hmasialna erawh chu midang tan malsawmna thlent u a ni \hin.

A hming : Bible-ah hian Pathian Thlarau, Lalpa Thlarau leh Isua Thlarau tihte kan chhian. Thlarau Thianghlim chu Pathian nihna funkhawmtu hnunungber a nih avangin, Amah a\anga chhuak leh chhawng tur a awm ve lova, Thlarau Thianghlim thlarau tih tur a awm ve hek lo. Thlarau Thianghlim chu Isua'n a rawn tih tur angin sawi mahse, Thlarau Thianghlim chu Isua pian tirtu a ni tlat (Matt. 1:18).

Pathian chu >ng, hnaih theih rual loh, \ihbaiawm tak a nih avangin, tuma'n a hmel an hmu ngai lova, a hmel hmuh chu thihna a ni (Roreltute 13:22). Isua Pathianna chu mihringten ngampa tak leh zalen taka Pathian an pawl a, an hnaih theihna chu a ni. Thlarau Thianghlim erawh chu hmuh theih loh, Pathian a famkim kengtu, Isua lo kal leh hma zawnga mihring thinlung luahtu leh chenchilhtu chu a ni. Pathian chuan a hun leh hmundik takah a hna pawimawhte a thawk \hin a, Thlarau Thianghlim chu Pathian programme tinreng tifamkimtu leh sawifiahtu chu a ni.

Chawimawi hlawhlo : Thlarau Thianghlim chu

Pathian pakhata nihna hming nung putu nimahse, kan thu leh hlaah te hian chawimawi a hlawh lem lo. Thlarau Thianghlim chu min tihlim tu, min lam tirtu, min sawitirtu, Isua min hriat chian tirtu, min hruaitu, zirtirtu leh thlamuantu ni mah se, "Thlarau Thianghlim Lalber rawh se, Thlarau Thianghlim ropui ber rawh se," tih aiin Isua Lalber rawh se, Pathian ropui ber rawh se kan ti leh hlah thung si.

Bible in Pa leh Fapa sawichhiatna ngaihdam theih a nih thu leh Thlarau Thianghlim meuh sawichhiatna sual chu ngaihdam theih loh tih hiala a dah chungnung chuan, Thlarau Thianghlim chawimawi nan, fak nan i zai ang u tih pawh a hlawh ve ngai lo. Chawimawi leh fak a hlawh loh chung pawh hian, a hna chu phur takin a chhunzawm reng a, a inthlahdah ve ngai lo. Thlarau Thianghlim hian chawimawi leh fak a va phu tak em! Thlarau Thianghlim tellova lenkhawmte, thusawite leh rawngbawlte hi kan duh loh ber a ni si a.

Thlarau Thianghlim chuan a hna a thawk : Thlarau Thianghlim chuan a hun tak leh a tum takah a thawk \hin. Sumeon-a chungah a thleng a, Elizabeth-i chungah a thleng bawk a, Johana chuan a nu puma a awm laiin a chang (Luka 2:25; 4:1; 1:15). Tun hma chuan Thlarau Thianghlim hi ruah mal angin a tla \hin a, Pentikos ni erawh hi chuan mi 120 zingah a lo thleng tan a, tun thlengin a nawlpuiin a thleng ta \hin a ni. Pentikos ni a Thlarau Thianghlim lo thleng chuan a hna chu hetiang hian a thawk \an ta.

Thlipui angin : William Booth-an Thlarau Thianghlim chu a thleng thut \hin a tih angin Thlarau

Thianghlim chuan thlipui chak tak thawm angin an chenna in chu arawn nuai ta phut mai. Thlipui hi Pathian sawina chi khat a ni (Sam 50:3).

Lei : Lei hi a pawimawh tih Chiang taka hria in Thlarau Thianghlim chuan a khawih hmasa a ni. Bible chuan ven ngai, khawlohna hlawm, taksa pum tibawlhlawhtu, pianpui tawlailir tikangtu, hremhmun mei nena inzawm, khawi ngam theih loh, thihna hlo-a khat leh soal awm hle hle theilo niin a sawi a (Jakoba 1:26, 3:6-8). Misual pawikhawih tute rip chhungah an khung bo daih \hin angin mihring taksa peng zinga lei soal hlawm chu Pathianin rip rinawm tak chhungah a dah a, a kawngkhar pawh saruhin a khar hnan tlat mai. A awmna puk chu rul tur leh thlan inhawng awmna a nih avangin mi naran tan chuan luh mai ngam pawh a ni lo, (Rom 3:13). Lei chu chanchin\ha hril nan leh chhandamna thu puandarh nana \angkai ber tur a nih Thlarau Thianghlim chuan Chiang taka hriain, a awmna pukah chuan a luhkhung ta a ni. Tunah pawh hian i taksa peng zinga Pathian i hnaih theih loh nana Setana hmanraw pawimawh ber kha Thlarau Thianghlim chuan khawih a duh a ni. I lei Pathian faka sawichhe \hin kha Thlarau chuan kawih in i hria em? Isaia chuan a hmui chu Thlarau Thianghlim mei chu a deh thianghlim tir a ni (Isaia 6:7).

Mei : Mei hi Pathian awmna chhinchhiahna (Symbol of Divine Presence) a ni a, Thlarau Thianghlim thiltitheihna entirna leh soal kangfaiu a nih zia lantirna a ni (Sam 50:3; 97:3; Isaia 66:15; TT 7:30). Isuan mei leh Thlarau Thianghlim Baptisma an lo chang tur thu a sawi. An chungah a chuang \heuh tih hian Thlarau Thianghlim chu chungnungber, thuneitu ber a nih zia a entir. Mihring hian lu ber, thunei ber, thiltithei ber nih

kan duh fo \hin. Mahse, kan nuna thuneitu leh hruaitu ber chu ringtute tan chuan Thlarau Thianghlim a ni. Bible chuan, "Pathian Thlarau hruaia awm apiangte chu Pathian fate an ni," tih min hrilh (Rom 8: 14).

| awng danga \awng hian ringtute chuan khawvel \awng leh duhdan kalsan a nunthar \awng an hman tawn \hin zia a entir. Babel insang satute \awng Pathianin inhre tawn thei lo tura a siam ang kha a ni lova, \awng hrang inhriat tawn theihna a ni. Hei hian Thlarau Thianghlim chu inhriatthiam tawnna, inngainat tawnna, induhsak tawnna leh inpumkhatna a siam \hin zia min zirtir a ni.

Pathian chuan mihring taksa peng zinga soal hlawm chu a lam \anga siam a \ulzia hria in leh chu khawih hmasakah a hmang ta a ni. Chungnung duhna, lal duhna chu tuk tlawm tula a hriat avangin an chungah a chuang ta a; inhre thiam lote, rawngbawlho theilo te, thawkho theilote chu inhre thiam a, an thawhho theih nan tawng dang, tun hmaa an hman thiam loh \hin chu a hmantir ta a ni.

Thlarau Thianghlim chuan kan soal thuhruk leh mi hriat kan hlah te hi khawih danglam a duh a, mi aia chungnung leh lansarh duhna thinlung hi a thu hnuaiah dah a duh \hin. Chuvangin, Thlarau Thianghlim chu kan nunin a mamawhna lai tak hi thununa khawih tir kan phal tur a ni. Thlarau Thianghlim chuan nunthar \awnga a rawngbawl turin min duh a ni. Pa Pathian hmel hmuh chu thihna a ni a, Isua hmel hmuh erawh chu nunna leh hlimna a ni a; Thlarau Thianghlim chan chu thlamuanna leh chakna a ni. Thlarau Thianghlim hian kan khawilai ber nge tidanglama kan hriat?

**KAN KHAWL LAM CHIANGKUAN LOH AVANGIN
KAN PEIH HMA THEILO A, CHHIARTUTE
HRIATTHIAMNA KAN NGEN E.**

- Editor

Year theme :

JERUSALEM KULH CHU I DIN LEH ANG U



- Major Tuliana
Aizawl Temple Corps

Kumin 2011 chhunga ka Territory pumin kan thupui, (Theme) a tana kan hotuten an thlan chu "I DIN LEH ANG U" tih hi a ni a, he mi thu hmanga Pathian thu han ziaak na remchang ka han nei hi lawm awm ka ti a, tunlai hun a tan hian sawi ka chak tak pawh a ni bawka.

NEHEMIA 2:17-18 "Hawh u, sawi chhiat a kan awmlon na Jerusalem kulh chu i din leh ang u, ka ti a. Tin, ka Pathian mi duhsak thute ka hrih a, ka hnena lal thusawi te pawh. Tin, an ni chuan, I tho ang u khai, i din leh tak ang u," an ti a,

THUHMAHRUAI : He thu kan sawi dawn chuan a hmasain a hmalam chanchin \henkhat leh eng vanga Jerusalem kulh hi tihchhiat a awm nge a nih han tarlang hmasa ila.

Pathian hnam thlan, Juda leh Israelte hi Pathianin duhsakin hmangaih hle mahse, Pathian ti lawmlo leh ti lungngai fo \hin hnam an ni a, Pathianin felna dan hmangin a kaihhruaia, chu chu sual fa, mihringte tan zawm dik theih rual a ni lova, Pathian thupek anga an awm chuan thilmak ropuitak tak a tihsakin, indonaah pawh hnehna ropui tak tak aneih tir \hina, chuti chung chuan Pathian duhloh zawng sualah an tluin, milem siam chawp pathiante an be fo \hin a, churang chuan an zingah Zawlnei te a tirin, an sual sima hawikir tur leh an sima an hawikir chuan ngaihdam an nih turte, malsawm turte, indonaah pawh hnam dang te hneh zeltu tur an nih an sawi \hin a, mahse an zawm thei lova, Pathian hremna leh khutthlakna an tuar phah ta a ni.

(BC 760-597) Hun chhung khan heng zawlnei te hian tuarna an pumpelth nan an hnenah Pathian in hriattirna an thlen \hin a: Zawlnei Isaia-te, Jeremia-te, Ezekiel-te, Amosa-te hian thahnemngai takin an hrih \hin a, awmzia a nei lova, an sual ngaiin an sual a, Jeremia phe chu an ti \ap tam em em \hin a, a tawpah chuan Babulon lal Nebukadnezara a lo lian a, mi tamtak a that a, nung dama awm tam tak salah a hruaia, Jerusalem kulh bang kawngkhar zawng zawng an tihchhiat sak vek a, rethei taka tih hrehawmin an awm ta a, he tuarna hi, Zawlnei Isaia chuan hetiang hian a lo sawi lawk a, "Khawpuiah chuan \iauna hnutchhiahin a awm a, a kulh kawngkhar chu vuak chhiatin a awm ta", tiin a sawi lawk, (Isaia 24:12). Jeremia pawhin heti hian a lo sawi, "Jerusalem kulh chu thil chhe awm khawm maiah ka siam dawn, sihalte chenna hmun a ni ang", tiin (Jeremia 9:11). Ezekiel chuan chu tuarna chu, "A tawpah Lalpa an hritna turin", alo ti thung a (Ezekiel 20:26). Hetiang taka an tuar hian, Jeremia chu nasa takin Pathian hnenah ngaihdam dilin a \awng\ai \hin a, a haw har em em \hin a ni.

1. **NEHEMIA** : Pathian \ih mi pawh hian Jerusalem kulh tihchhiat chu a vei em em a, Pathian hnenah ngaihdam dilin a \awng\ai \hin a, Pathianin rem a tih chuan kulh chhia siam \hatu ni turin a nun pawh a hlana, hetih lai hian Nehemia chu lal Artezerzia hnenah lal intur no hlan \hintu a ni a, a dil chu Pathian pawhin a pawmpuia, lal Artezerzia hnenah pawh chuan Jerusalema kal a, kulh chhia siam \hatu chu a dil a, lal pawh chuan a lo remtih sak a, a kal ta a. Hetih hun laihi (BC 446) vel lai a ni.

Jerusalem vala Juda la awm chhun mi tlemte te nen sawi hovin, lung rual takin kulh siam that hna chu an tan ta a, thawh tur leh bultum tute hrang hrang an in sema han chu thatakin an kaloui a, levia chite, Puithiam te, Trko hoten hmun hrang hrangah hlim takin an thawk a, harsatna an tawk ve reng bawk a.

2. **DODALNA A LO AWM** : Sanbalata'n a lo hriatin Juda ho lakah a in hrosa a, Tobia-te, Arap mite inpunkhawmin, beih an rel a, hlauhawm takin an in hrosa a, chutih lai chuan Nehemia chu Pathian hnenah a \awng\ai a, Pathian chakna rin tlat avangin a mite chu hlaulo tur leh Pathian kut chak tak chu ring turin a hrih a, an kut ding lama hna thawka, an kut lehlam chuan ralthuam keng turin a zirtir a, tichuan hmelma ral veng chung a thawkin kulh chhe lai zawng zawng chu a siam \ha ta a ni.

3. Hei hian keini Jentail hnam Krista Kraws tlanna thisen avanga Petera'n a lo sawi ang a, "Chithlan lal puithiam ho, hnam thianghlim, Pathian mite ngei in ni," ti a Jentail kohhran ho hnenah a lo sawi angin (I Peter 9-10). Krista tlanna azarah, Penticost ni a Thlarau Thianghlim lo thleng a'anga vawin ni thleng hian, Krista a minung siam thar niin, kawvelah kan darha, Sipai Pawl ngei pawh ramhrang 123 chuangah kan awm ta, a va ropui em!

Kohhran pawl tam takah ringtute kan awm darh a, mihring kan pungin Kohhran leh Corps-te pawhin hma a sawnin, Biak In te pawh a \hain a ropui chho mek zel a, hetih lai hian kan hmelpa Setana erawh chuan ringtute zingah nasatakin hna thawkin bu a khuar a, Krista ringtuten kan inhumhimna, Pathian thunung leh thutak Pathian thawkkhum a pek kan pawm leh rindante min \hiat sak a, zirtirna hlauhawm tak tak kohhran ho zingah a lo awmte, Sipaite kan fimkhur hle a ngai a ni.

(1) Zirtirna diklo hmangin Kohhranah thuneihna a chang mek a, kan mithiam leh Theologian hote hi a hmang mek a, kohhran pawn lam a'angin min bei lo va, Kohhran chhung ngeiah a ni min beih tih pawh hriat a \ha. Kum 1964 kuma Guwahati Pastor Conference kan neih tum

khan, kan Speaker Rev. Saha thusawi ka hriat reng chu, Diabola hi Kohhranah, pulpit ah a che tawh a, Kohhran hnarkaitute ngei hmang hian, Pahtian thu a nih anga pawm ngam lo leh a ngaih dan l^p taka zirtirna a thleng mek a ni, tiin Pathian thiltihtheihna pawh an sawi bovin an ringlo a tih kha tunah hian kan ram ngeiah pawh hian heng hmang hian Setana chuan ram a la a, salah mi tam tak a hruai a, zirtirna hlauhawm a thehdarh mek a Liberal taka Pathian thu ngaihdan an zirtir tawh a ni.

(2) Sualna a pungu, mipat hmeichhiatna inhman diklohte, mi nu leh mi pa diklo taka inkawpnate, pawngsual te, ringtu intite zingah a tam zual ta zel a, KS kan tihte an pungin chutiang mi kawp duh tute pawh chu Kohhran mite kan ni a, Diabola hian ram a va la nasa in bawih ah a va hruai tam em.

(3) Mihring rinawmlohna, tangka sum ngaihnat vanga, tualthahna te, eirukna sualah te, rukrukna suah ah te kan va pil nasa ta em! kan rama eirukna suala hming chhiatna nei tamtak te hi thlir ila, Kohhran hnar kaitute nihna chanvo pawimawh tak tak chelh tute an ni leh tlat \hin te hi hmelpa pa ramlak nasatzia ti lang fiahtu a ni kan tilo theilo ang.

Corps leh Kohhrana kan inhungnate pawh hi min \hiat sak nasa tawh a, ruihtheih thil ti a awm \haduhlo te pawh, Kohhran hian thununna a nei ngam tawh lova, siam \hat tum silovin kan kawli ta mai mai hlawm te pawh hi sual pawisak lohna pakhat chu a tling awm e. Europe leh America ramah phei chuan Biak In tamtak inkhawm tur awmlohna Biak In ram an lo chang tawh a, mahni mipat pui leh mahni hmeichhiat puite nupa anga inneih te pawh an pawm titih hial tawh a.

Mimal nunah leh Kohhran ah Diabola hian Krista Kraws thiltihtheihna leh chakna hmanga kan inhungna kulhpui hi a va han tichhe nasain a va \hiat nasa tawh tehlu em! Kan thupui ang hian, "HAWH U KEIMAHNIAH LEH KOHHRANAH KAN JERUSALEM KULH CHIM LEH CHHIA HI I DIN THAR LEH ANG U"

SABBATH LEH SUNDAY HI



- Major K. Lalrinawma

Sabbath hi Mosia hmena Thusawmpek, Sinai tlanga Dan pali na (4-na) kha a ni (Exo. 20:8). Israel fate, Juda hnam kal zel turte tana Pathian thupek a ni a (Exo. 31:12-17), Jentel tan erawh chuan pek ve a nihna a lang lem lo. Sabbath Ni chuan hna reng reng thawh loh tur a ni a (Exo. 20:10), Sabbath Ni a hnathawk chu tihhlum ngei tur a ni (Exo. 31:15). An chenna hmun reng reng ah chuan meichhem awih a ni lova (Exo. 35:3), Halral thil hlan ngei tura thupek khauh tak pek an ni bawk (Number 28:9,10).

Engvanga Sabbath serh ta lo nge kan nih.

1. Isua'n Sabbath Ni aiin Sunday a thlang: Thlarau lam chaw kan dawna hun atan Isua'n, "Nisarih Ni hmasa berah (Sunday) chuan, mitinin malsawmna an hmuh ang zia zelin dah khawl \heuh ula; ka lo kal hun a thawh lawm khawn reng a awm lohna turin" (I Kor. 16:2), tia sawiin, A zirtirte hnenah Thlarau Thianghlim (Penticost) lo thlen hun tur a a sawi lawk chu, Nisarih ni hmasa ber SUNDAY Ni ah a lo thleng a, chumi hnuah chuan, Chatuan daih Malsawmna dahkhawl \heuh turin a hriattir.
2. Isua'n Sabbath a serh lo : Amah Isua ngeiin, "Mihring fapa hi Chawlhni (Sabbath) Lal a ni" (Lk. 6:5), tih thu sawiin, Sabbath serh lovin, "Buh hmunah te a kal tlang a; A zirtirte chuan Buh vuite chu an thliak a an ei a" (Lk. 6:1), Sabbath Ni vekin, Ramhuai man damlote a ti dam a, (Lk. 13:10-16) Bethesda Dil kama kum 38 zet damlo awm

tawh chu a tidam bawk (John. 5:1-9).

3. Isua Zirtir / Apostol te'n Sunday an serh : A.D 50 lai vel khan, Zirtirte chuan Sunday hi inhmuikhawm nan berah hmangin an lo serh tawh. "Tin, Nisarih Ni hmasa ber (Sunday) ah chuan chhang an phel a, Paula'n khun taka thuchah sawiin, Zanlai thlengin thu a sawi zel a (T.T 20 :7).
4. Tirkoh Paula'n Thuthlung hmasa leh hnunung a sawifiah: " Thuthlung hmasa chu sawiselbo nise, thlun nawn a ngai lo tur" (Heb 8:7), tia sawi chhuakin, "Pathian mite tan chuan chawlhni a (Sabbath-a) chawlhna a la awm ta fo a" (Kol. 2:16-17), tiin, Sabbath Ni a chawlhna aia hlu zawk, Krista a chawlhna min kawhhmuh a, "Dan thiltihte avangin mi thiamchangin a awm lova, Isua Krista rin avang chauhin thiamchangin an awm zel tih kan hre si a" (Gal. 2:16) ti a sawiin, Dan ringawt ngai pawimawh zawk te hnenah, "Nangni Dana thiamchan tumte u, Krista nen in in\hen ta; khawngaihna chu in tluksan ta si a, keini zawngin Thlarau zarah rinna in felna beiseina kan nghak si a" (Gal. 5:4) tiin fiah takin a zilh hau.
5. Ignatius, Lyon khua French Bishop (A.D 178) chuan, "Juda-te Sabbath hi chu, Isua Krista thihna in a hneh ta a, Juda te hun chu a tawp ta a ni, tiin a ziak. (The Ante- Niceno Father Volume I).

6. Justin Mytar (A.D 101) chuan a lehkhabu ziak Vol I, phok 186-ah, Sunday Ni hian Isua Krista chu thihna hneha a thawhleha Ni a ni a, hemi Ni hian khawpui leh thingtlang lam a awm te chu kan inhmukhawm hnin. Thim a\anga Eng a lo inthlak Ni a nih avangin", tiin a ziak.
7. Ireneaus, Lyon Khua French Bishop (A.D 178) chuan, "Juda te Sabbath hi chu serh zui zel a tul tawh love, thil lo awm turte hlimthla mai a ni a, Lalpa thawhleha Ni Sunday chauh hi kan serh tur a ni", tiin a lo puang chhuak bawk.
8. Rome Lal Constantine-a chuan, A.D 321, March Ni 7-ah Sabbath aiin Isua thawhleha Ni Sunday hi serh zawk turin a lo thlak. Amah pawh hi Kristian tho a nih avangin, Sabbath serh ai chuan, Isua thawhleha serh duh zawktu a ni.
9. Khawvela kohhran lian ber, Roman Catholic ten, A.D 364-ah Sabbath serh lovin, Isua thawhlehi Sunday serh zawk turin an lo ti nghetin an lo thlak a, tun thleng hian kan lo hmang chho ta a ni.
10. Sabbath Ni-a Halral thihlan phuttu Pathian

ngeiin, Zawlnei Isaia hmangin, "Ka hmaah inlan tura in lokal hian,.....englo rimtui chu ka tan thil tenawm tak a ni a,.....Chawlhni (Sabbath) te mai mai chu ka ngaithei tawp lo mai", (Isaia 1:12,13) tih thu leh "A chawlh ni te (Sabbath), a puipun hun zawng zawng te ka ti reh bawkan ang" (Hosea 2:11) tih thu a lo sawi hi Sabbath tih nun zelna lam ai chuan chhawm zel tlak a nih lohzia a sawina niin a lang. Tirhkoh Paula'n, "Chutichuan Ei leh in thuah emaw,.....Sabbath serh thuah emaw tuman sawisel che u suh se; chung chu thil lo thleng turte hlim thla a ni, a tak erawh chu Krista a ni' (Kol. 2:16, 17) tia Kolosa khua mite hnena a lo sawi leh Rome khua a mite hnena "Tunah erawh chuan min chelhtu lakah thi tawhin, Dan ata thlahin kan awm ta, Lehkha ziak hlui (Sinai Tlang Dan) ang mai ni tawh lovin, Thlarau rawng kan bawh theih nan", (Rom 7:6) tih thu te hi, ihe lova pawm ngheh tlat chi a ni e.

Thil hluite chu a ral a, ngai teh u a lo thar ta. (II Kor 5:17) tih thu kan hmuh avangin. Lei lam a thil awm thil hluih te rilru dah tawh lovin, Krista awmna a thil awm te zawng hmu zel turin Chunglama thil awmah te chuan kan rilru i dah tlat zawkan ang u.

CHANCHIN LAWRKHAWMTE

1. GENERAL THAR : Commissioner Linda Bond chu High Council member ten hun rei tak tawngtaina nena Pathian an rawn hnuah General 19na atan thlan tlin a lo ni ta a. Hmeichhia General kan neih 3na a ni dawn ta a ni. Ni 2 April 2011 ah General nihna hi a chelhtan ang.



2. CENTRAL NORTH DIVISION :
 i) Bial thar : February to April 2011 thleng Lengpui bial chu Major R. Lalbiakliana D.S-in DHQ atangin a Bial anga, Major F. Remthanga DYS-in W. Phaileng a bial bawkan ang.
 ii) One Day Seminar : January 21. 2011 khan Outreach worker Retreat Behliangchhip Corps ah hlawhtling takin neih a ni a. Hetah hian Behliangchhip



C.O. Bial chung a ET leh SC te an kal kim hle a, kal theilo pakhatmah an awm lo. Resource person atan Major Thanhira Personnel Secretary THQ leh Major Sangchunga D.C-te hman a ni a. Kal ten an hlawkpui hle.

iii) Ringthar lawmluhna : Tripura a Kanchancherra area Hajiradhon Para ah Ni 23 Janu-




ary, 2011 khan Major Sangchunga Divisional Commander in mithar ringlomi ni thin atangin 43 Sipai pawl ah a lawmlut a. Heng mite lawmluhna hmun hi kawthler a ni a, heng mite hian Isua zui tura an thu tihtlukna chu chung lamah an ban dinglam pharin an lantir a ni. Maj. Thanhira Personnel Secretary in hun tawp ah Pathian thu a sawi a, mite thinlung a hneh hle.

3. RATU CORPS SAY : Ni 30 January Sunday khan Major Sangchunga Divisional Commander-in Khawpuar Society a tlawhna ah Raty Corps SAY ten Bus Hired in an tawiawm a, Vaitin khua atangin ke a kalin Khawpuar chu an thleng a, Divisional Commander hian Khawpuar khuaah hian mi 32 Sipai Pawla lawmluhna an nei a, thuchah nung tak sawiin rawngbawlna hlimawm tak neih a ni a. Children Training School hawn a ni a.

Sipai Tlangau March 2011

Chhandamna inkhawm chu Sakawrdai Corps ah hmanpuiin Pathian inpuanna ropui tak kan dawng a ni.



4. Khawzawl Dinthar Corps L.O.Retreat : Ni 24 January 2011 khan Khawzawl Dinthar Corps chuan Local Officer Retreat neih a ni a, kan hlakpui hle a, Bialtu C.O. Capt.H.Khaitinthanga te nupa hnen atangin Orders & Regulation bakah Local Officer te mawhphurhna



hrang hrangte, kan nihna theuh te in zahpui lova, Pathian in min ruatna ang a huaisen taka kan dingngheh a pawimawh zia te min zirtir a. Local Officer dangte atang pawhin thil pawimawh chi hrang hrang te sawi chhuah a niin kan hun lo awm leh tur atan pawh tisa leh thlarau lamah chona thar tha tak min siam a ni. Tisa lam Ruai tui tak kilho a ni bawk.

5. MONUMENT : Prayer Mountain-ah a ram neitute nen a kan inremna angina Pu Muansanga Hriatrengna MONUMENT Granite a siam mawi tak chu Ni 29 Janu-

ary, 2011 khan Territorial Commander Colonel Lalngaihawmi'n ropui takin a hawng a, Officer leh Sipai engemawzatin an tawiawm bawk.

Prayer Mountain a Biak In a dar hman tur ` 7,000/- chuang man Pu Lalvunga Saron Vengin an fapa hriatrengha atana a pek chu Lt. Col. Lalramhluna, Chief Secretary in Pathian hnenah hlanna nei bawk.

6. RETIREMENT SERVICE : Major J. Thanruma te nupa chu Ni 30 January, 2011 khan kum 30 zet an Active

Service-a an thawh hnu in Aizawl Bazar Corps-ah Retirement Service neih a ni. Anmahni thlahna inkhawm ah hian an thawhpui Officer-te leh Sipai \hahnem tak an kalkhawm a. Colonel Lalngaihawmim, Territorial Commander-in Retirement Certificate hlanna te a nei a, Lt. Col. Lalramhluna, Chief Secretary-in inkhawm a kaihruaia, Major Thanhlira Personnel Secretary-in an appointment hmuh tawh te leh an chanchin benglut takin a sawi a, Corps leh mimal angin thilpek tam tak pek a ni bawk. Territorial Songster leh Territorial Staff Band ten thiam takin a thlahna hla an rem bawk a ni.



Ropuinaa kaisangte

1. PU ZANAWKA OSCS (KUM 80) ITI CORPS : Pu Zanawka hu Pu Zudina (L) leh Pi Dosiama Tlau-vantawl(L) fate pasarih (7) zinga naupangber niin Chiahpui khua ah Kum

1930 khan a lo piang a. a tetlai hian Ngopa khuah an pem pheia, Ngopa khua ah hian a seilian a ni. Zirna lam ah chuan 1953 khan pawl kua (Imphal) atangin a pass a ni. Kum 1956 Jan 26 khan



Mualpheng corps ah Sipai dan thianghlimin Pi Thanzuali Chenkual nen inneiin fa mipa paruk leh hmeichhia pakhat an nei a ni. Rangbawlna a tuimi niin Salvation Army Officer ah inpein 'Sheperds' Session ah lutin 1954 khan commission a niin, hun eng emaw chen rawng a bawlhnuin chhungkaw rokhawlna avangin Officer a tang hian hotute remtihhain a bang a. A phak ang tawk tawkin rawngbawlna chhun zawmin, a hnathawhna (Manager, P&Sons) a vangin hmun hrang hrang ah a awm kual in a kalkualna ah pawh sipai pawl tan mi tha hnem ngai mi ani zel a. Kolasib Diakkawn Corps pawh hi a ho a din

niin, Biakin an sak zawh hma chu pheikhawk ka bun lo ang ti a lo in tiam kha ani a, a intiam ang ngei hian Biakin sakzawh hma chu pheikhawk a bun lo ani. Aizawl Temple Corps, Bazar Corps, Dinthar Corps leh Republic Corps ah te hian Local Officer hna lo chelh tawhin Kum 1988 ah ITI Corps ah lawi tannin rawngbawlna ah mi pawimawh Corps tan a ni cho zel a kum 1994 khan OSCS ah commission niin a number pawh 592 ani.

Pu Zanawka hi pa hrisel tak niin, zingtawngtai inkhawm te ngaipawimawh tak mi a ni a, mahse kum 1986 khan TB natna a vei tih hmuhchhuah a nia, Kum 2000 khan zunthlum natna avei tih hmuh belh zel a nia, heng a natna te enkawl a nih lai hian a ril tawp (Rectum) a cancer a ni tih kum 2010 Oct khan hmuh belh leh a nia, heng a natna te hi In lam-ah leh Damdawiin lam ah te inenkawl anih hnuin ama chenna in ah 16th Dec' 2010 Tlai dar 5:45 khan chatuana nung turin Ropuinaah kaisangin chatuan ram min pansan ta a ni.

Amah thlahna hun hi Dt 17th Dec'2010 khan ITI Corps ah neih niin Biakin ah Maj. Lalhmingliana DC Central South in Thlamuana thuchah a sawi a. Thlanmual ah bialtu Commanding Officer Maj. Lalsawmlian thlahna hun a hman zawh hnuin a dopui sipai te leh thenrual tha ten ui tak chungin an thlah liam ta a ni.

2. PU LALTHANZAUVA DAWRPUI VENGTHAR

CORPS : Pu Khuanga (L) leh Pi Lalzovi (L) te fapa pathumna a ni a, 1947 khan Chhawrtui khua ah a lo piang a. Aizawl lamah pemin Kum 1974 khan Bethlehem Corps ah Lalrammawii nen innein Commr. Chiangnuna'n a inneih tir a ni. Kum 1975 atangin Aizawl Bazar Corps an lawi a, rawngbawlna kawng a mithahnemngai thei tak leh sipai rinawm leh inkhawm ngaina mi tak a ni a. TGM ah te Leader lo ni tawhin Local Officer (Quarter Master) nihna hun rei tak a chelha. Dawrpui vengthar ah in sawn leh in Corps Treasurer a ni nghal a, Rawngbawlna hrang hrang ah Corps Khapa leh sulsutu ber a ni bawk.



Kum 1984 atangin khan zunthlum leh BP sangin a tlakbuak a, kum 2004 ah Stroke natna in a tlakbuak leh a, hemi hnu hi chuan hmun dang a chhuak vak thei lovin a tap tawm ta chawt a ni. Lung lam natna ten an belhchhah leh bawka, January 22 tuk khan a chungte zawng zawng chuan kalsan lo turin a ti a, ti chuan chungkua in ko khawmin theih ang angin an bawhsawm a, tlai lam ah chuan Oxygen pek te a lo ngai ta hial a, zawi zawi a chau hret hretin zan dar 6 : 10 thlamuang takin Ropuina ah min kalsan ta a ni. Tichuan Ni 23 January ah Sipai te leh thian tha ten a thlahna inkhawm neiin Maj. Lalzawmliana bialtu C.O. in thlamuanna thuchah a sawi a, Ui tak chungin kan thlahiam ta a ni.

3. CORPS CADET C. LALTLANFELI, BEHLIANGCHHIP CORPS :

Corps Cadet C. Laltlanfeli hi Pu Biakchungnunga leh Pi Lalnunmawii te fa upa ber niin 1994 khan a lo piang a. Thla kimlo a piang a nih avangin a dam chhuah zawh loh hlauhawm khawp a dinhmun derthawngah a awm hman a ni. Pathian khawngaihna a zarah zawi



zawi a lo tha chhuak leh in bawrhsawmna em em nei lovin a lo seilian a. Naupang thuawih tak niin zuk leh hmuam kawngah pawh mi in vawngfel tak a ni a. Pathian tih mi, inkhawm taima em em a ni. Sunde sikul kai rual a nih atangin kum tin kalkim lawmman a dawng ziah thin. mi hawihhawm, nungchangtha, inngaitlawm tak a ni. Thian te zingah pawh kimki dek a awm thin, mi pawisawi hlau tak thin a ni a. Mi hlim thei tak leh nui hmel pu deuh sang thei reng a ni a, a thian te leh a ai a naupang zawk te pawhin an ngaina hle thin. Zakzum tak angin lang mahsela, zah avanga tih tur tihloh a nei ngailo.

Naupangte a nih lai atangin zaia Pathian fakin hun a hmang tan a, a talent hlu tak chu Pathian pek a ni tih a hrechiang em em a ni. A nu leh paten an tuipui em avangin amah pawhin hma a sawn chak hle a, khawtlang leh kohhran pawhin amahah beiseina sang tak an nei a ni. Anungchang leh hawiherin a zir a, sawisep kai zawng a a awm ngailoh avangin Pathian fak hla a sak pawhin mite thilung a hneh bik em em thin. Pathian thlarau pawlna a dawng nasa in zai a rawngbawlna a neih pawh a nung hle a, amah kaltlang hian mi tam takin Thlarau malsawmna an dawng thin.

Kum 2010 Territorial YP Congress, Bethlehem Corps-a neih a nih tum pawh khan hun chep tak karah zaiin, mite hlut a hlauh hle a ni. Western Section SAY Meet ah te, Jampui Branch BSI Annual Meeting te, YMA leh School Function leh Corps tan sulhnu chhinchhiah tlak tak tak Fakna hla hmangin a hnutchhiah a ni. Zai mai bakah hian Mizo hnam lam te, Western Music chhuak thar ber ber thlengin a tuipui a, Pathian fak nan mipui hmaah mawi takin a lampui thei zel a ni.

Sipai puitlinga hlankai la ni lo mahse, kum 2010 chung zawng khan SAY Songsters Member niin thalaite rawngbawlnaah mi poimawh tak a tling tawh a ni. Songster mai bakah thil kawng hrang hrangah rual u zawkte mit tlung takin a awm tawh a ni.

A chungah hian chungkua mai bakah, khawtlang leh kohhran mit a fu a, a hawihar leh nungchang mawi tak chuan mi a hneh a, a mizia ngainat awm tak chuan mi a hip a, a nelawmna leh inngaitlawmna chuan thenrual a ko khawm a ni ber e.

Beiseina sang tak neia hun hlimawm tak an hman ho mek laiin Ni 10 January, 2011 (Thawhtan) tukthuan eikhama a pa Pu Biakchungnunga hova an motor (Maruti 800) a an leng chhuak chu Vanghmunah engemaw tia an khawmuan zawk chhungin a chau thut a, a taksa chu zawi vekin Jampui PHC panpui nghal a ni a, Doctor ten theihtawp chhuah mahse chawhnu dar 1:45 ah leilama a rangbawlna kalsanin Ropuina ramah a kaisang ta a ni.

Kum 2011, January ni 1 khan Pu C.Lalvula, Corps Treasurer-in hun changin zaia rawngbawlna nei turin a sawm a, tihian a dairy ah chuan a lo ziak thlap a ni : "Kum thar chibai, Kum 2011, Jan. ni 1 ah hian Pu Vula'n zai turin min tia, nuam ve khawp mai, kum bul atanga zai tan chu. Tun kum hi chu Pathian thu thu a ni, ka nun chu ama tan ka hlan a, ani chuan min hruai tawh dawn a ni. Khawvel mi zawng zawngte u, kumthar chibai vek u!" tiin.

CHIEF SECRETARY NOTES

High Council : Tun lawka London Sunbury Court a khawvel pum a hruaitu tur thlanga kalkhawmte chuan General Shaw Clifton thlaktu atan Commissioner Linda Bond, Australia Eastern Territory a Territorial Commander chu an thlang ta. Pathian ruat General thar hian 2nd April, 2011 ah General Office a luah tan ang. General thar leh chawlturte tan Sipai tinte i tawngtai zel ang u.

Territorial Commander : Colonel Lalngaihawmi chu Pre-High Council leh General Consultative Council (GCC) hmang tura London a kal chu dam tak leh tluang takin Aizawl a lo thleng leh ta.

Republic Day : 26th Jan, 2011 Republic Day lawmna Governor at Home ah Chief Secretary chu sawm a nih angina Sipai Pawl aiawhin Raj Bhavan-ah a tel a, Colonel hian Governor nen a inbiakna hun tha tak a nei a ni.

Hmasawmna : Kan kumin thupui hmanga beisual thawhkhathna kalpui mekah Divisional Commander te hnen atangin report benglut tak tak hmuh a niin, centre thar hawmna te leh inpe thar thahnem tham tak hmuh a nih avangin kan lawm em em a ni.

Institutions : Kan Territory chhunga Social Institutions te atangin kum kalta report tha tak tak kan dawnte avangin kan lawm a. Home hrang hranga kan naupangten kumtawp exam ah khan result tha tak tak te neia pawl an sawn vek avangin lawmawm kan ti a, Home a thawktu te chungah an thawh that leh inpeknate avangin lawmthu kan sawi a ni.

Prayer Mountain : Hangi Lunglen Tlang a Chhandamna Sipai Pawl te enkawl "Tawngtaina Hmun" chu Pathian thlarau hruaina avangin a lun thei hle a. He hmunah hian mi tam takin malsawmna an dawng tawhin an la dawng zel. He hmun min petu Pi Lalremveli pasal pu L. Muansanga (L) hriatrengna monument hawmna 29th Jan, 2011 khan Tawngtaina tlangah hian Territorial Commander in a nei a. He mi ni vek hian he tlang a C. Thangkima CSM(OFF) Chapel atana dar pawhrik chi Pu Lalvunga Saron veng ten an rawn pek chu Chief Secretary in hlanna a nei baw. Sipai mi te leh Kohhran mite mi tam tak he tlangah hian hriatpuitu ni turin an lo pungkhawm a ni.

Lawmpuina : Tun maiah khan hnathawktu tha chawimawin nan, International Institute of Church Management – Florida USA chuan Chennai-a an Branch kaltlangin Major J. Thanruma chu DD Degree an rawn pe. Major hi kan lawmpuina kan chhuang takzet a ni.

Tawngtai turin : March 2011 chhung hian India Eastern Territory chhugna Officer te leh Local Officer te a tam thei ang ber tel theihna turin Retreat buatsaih a ni dawn a, he hunah hian kan rawngbawltute hnenah thlarau lam harhtharna a lo thlen ngei theihna turin, Territory pum huapa sipaite tawngtaina lo nei theuh turin kan in ngen a ni.

Ngaihtuah tur : "Sunday Bible Class kal ngailo ringtu inti ve si chuan a malsawmna dawn tur a kalsan a ni."

Lt.Colonel Lalramhluna
Chief Secretary